

Te Manu Taratahi

nā Fiona Green

nā Andrew Burdan ngā pikitia

Te Matapae

Ngā Mōhiotanga

Ngā Wheako
Whaiaro o Mua

He Whakatau – I mua i te pānuitanga i te pukapuka

- Me mātua whakatakoto te kaiako i tētahi tūāpapa mō te tamaiti kia kaingākau ai te tamaiti ki te pukapuka.
- Kia kaha ki te tō mai i ngā wheako whaiaro o te tamaiti e pā ana ki te horopaki.
- Me patapatai hei whakatenatena i te tamaiti ki te wānanga me te matapae i ngā kōrero o te pukapuka.

He tauira hei whakatau

1. Whakaaturia te uhi o te pukapuka ki te tamaiti. Uia ētahi pātai kia mōhio ai koe e pēhea ana ōna whakaaro mō te pukapuka.

Hei tauira: Kei hea tēnei tama? He aha tāna? He manu taratahi tāu? Kua kite anō koe i tētahi manu taratahi? He pēhea te āhua o ētahi manu taratahi? He aha te wā pai hei whakarere manu taratahi?

2. Matapakihia te tapanga. Matapakihia ngā kārawarawa tuhituhi pēnei i ngā pū matua, ngā irakati, ngā tohu pātai me te aha noa atu.
3. Pātai atu: He aha ki tōu whakaaro te kaupapa o tēnei pukapuka?

Kupu Hou

- Me mātua whakaako te kaiako i ngā kupu hou i mua i te pānuitanga a te tamaiti i te pukapuka.
- Me wānanga te tamaiti i te tikanga o ngā kupu hou.
- Me rongō, me ako te tamaiti i te whakahua tika o ngā kupu hou.
- Me kite hoki te tamaiti i ngā kupu ā-tā o te pukapuka.

Te Whakaako i ngā Kupu Hou

- Kōrerotia ngā pikitia o te pukapuka
- Mahia he mahi whakaari
- Whakaaturia ētahi atu pikitia whai pānga
- Tautohua ngā kupu hou ā-tā.

He Ngohe

Hei Mahi 1: He ngohe kupu tēnei hei whakaū i ngā kupu hou o te pukapuka. I mua i te ako kupu ā-tā, me mōhio te tamaiti ki te tikanga me te whakahua tika o te kupu.

Hei Mahi 2: He ngohe whakarongo tēnei kia whai take, kia aro ai te tamaiti ki te whakahua o te reo i a ia e whakarongo ana ki te kōpae.

Ka whakaraupapahia e ia ngā pikitia, i a ia e whakarongo ana ki te kōrero. Hei muri mai ka titiro atu ai ki te pukapuka.

He Wānanga – I muri i te pānuitanga i te pukapuka

Hei Mahi mā te Kaiako

- Āta whakaritea ngā pātai
- Āta whakaakohia ngā kupu hou
- Whakaharataungia ngā kupu waiwai

Pātai arotahi: Ka pēhea te rere o te manu taratahi?

He whakamāramatanga

Te whakawhiti kōrero

- Ka whakawhiti kōrero te kaiako me te ākonga
- Ka whai wāhi te ākonga ki te pānui atu ki te kaiako
- Ka aroturuki te kaiako

He Tauira Pātai hei Whakapuaki Whakaaro

1. He aha te kaupapa o tēnei pukapuka?
2. He aha ētahi nekehanga o te manu taratahi?
3. Ki ōu whakaaro nā wai tēnei manu taratahi i hanga?
4. Nā te aha te manu taratahi i rere ai?
5. He aha te take i tūtuki ai te manu taratahi ki te whenua?

Hei Mahitanga:

- Ko te whakarongo anō ki te kōpae
- Ko te pānui a te ākonga i a ia e whakarongo ana ki te kōpae
- Ko te pānui a te ākonga ki a ia anō me te kore kōpae
- Ko te pānui atu ki tētahi hoa
- Ko te whakaoti i tētahi atu Hei Mahi.

Hei mahi 3: He ngohe pānui

Hei mahi 4: He ngohe tuhituhi

Ingoa: _____ Te rā: ____/____/____

Te Manu Taratahi

nā Fiona Green

Whakahoahoatia te pikitia ki te kupu tika.

Whakamahia hei kēmu tākaro kāri (kēmu maumahara).



tau

huri

topa

piki

tiripou

tūtuki






Ingoa: _____ Te rā: ____/____/____

Te Manu Taratahi

nā Fiona Green

I a koe e whakarongo ana ki te kōpae
whakaraupapahia ngā pikitia i runga i tāu i rongo ai.



Ingoa: _____ Te rā: ____/____/____

Te Manu Taratahi

nā Fiona Green

Me whiwhi:



kutikuti



kāpia

Whakapirihia ngā kōrero e hāngai tika ana ki ia pikitia.



Ka piki te manu taratahi.

Ka rere te manu taratahi.

Ka topa te manu taratahi.

Ka tiripou te manu taratahi, ā...

Ka huri te manu taratahi.

... ka tūtuki te manu taratahi ki te whenua.

Ingoa: _____ Te rā: ____/____/____

Te Manu Taratahi

nā Fiona Green

Ka aha te manu taratahi?



Ka _____
te manu taratahi.

Ka _____
te manu taratahi.



te manu taratahi.

te manu taratahi.

tūtuki

huri

piki

topa